



RESOLUCIÓN REITORAL DO 11 DE MARZO DE 2015 POLA QUE SE APROBAN AS LISTAS PROVISIONAIS DAS SOLICITUDES ADMITIDAS E EXCLUÍDAS DA CONVOCATORIA CORRESPONDENTE AS AXUDAS DO FONDO SOCIAL 2014.

De conformidade co disposto na resolución reitoral do 15 de outubro de 2014 pola que se autoriza á convocatoria de axudas do Fondo Social 2014, e tralo acordo da Comisión de Acción Social do 4 de marzo de 2015,

ESTA REITORÍA RESOLVEU:

Primeiro.- Publicar a presente resolución pola que se declaran aprobadas as listas provisionais das solicitudes admitidas e excluídas correspondentes ás axudas do fondo social 2014.

Segundo.- As listas provisionais de admitidos e excluídos estarán a disposición dos participantes no procedemento no Servizo de Retribucións e Seguros Sociais.

Así mesmo, a través da Secretaría Virtual da Universidade de Vigo (<http://seix.uvigo.es>) os participantes na convocatoria terán acceso restrinxido á súa solicitude.

Terceiro: De conformidade coa base oitava da resolución reitoral do 15 de outubro de 2014, os aspirantes excluídos e os omitidos por non figurar na lista de admitidos nin na de excluídos, disporán ata o **26 de marzo de 2015** para a corrección de erros e/ou emenda de defectos.

Os aspirantes que, dentro do prazo sinalado, non emenden a exclusión ou aleguen a omisión, xustificando o seu dereito a seren incluídos na relación de admitidos, quedarán definitivamente excluídos.

Contra esta resolución, que esgota a vía administrativa, poderase interpor recurso ante a xurisdición contencioso-administrativa no prazo de dous meses contados dende o día seguinte ao da súa publicación no taboleiro de anuncios do Edificio da Xerencia, de conformidade co disposto na Lei 29/1998, de 13 de xullo, reguladora da xurisdición contencioso-administrativa.

Así e todo, os interesados poderán optar por interpor contra esta resolución recurso de reposición no prazo dun mes, contado a partir do día seguinte ao da súa publicación ante o mesmo órgano que a ditou. Neste caso, mentres non recaia resolución expresa ou presunta do recurso de reposición non caberá interpo-lo recurso antes citado, de conformidade co disposto na Lei 4/99, do 13 de xaneiro modificadora da Lei 30/1992, de 26 de novembro, do réxime xurídico das administracións públicas e do procedemento administrativo común.

Vigo, 11 de marzo de 2015

O REITOR

Salustiano Mato de la Iglesia



Universidade de Vigo -
Registro Xeral

Saída Nº. 201500004810
11/03/2015 08:50:51